

Jud e lel ek'awɲ

Ów ek'it eke wɛl k'uw any

Jud eke nɔn lel na a lele Jak ab el ɛy Ɛs Kɔtɔkɔ Jesu Krist lisijimɛl (Matie 13.55, Mark 6.3).

S'uwm Nyamel nuɲ nyam a eke Jud awɲ in e lel na ab any. Gbɛkɔ s'am ɔny ɔmn eke lel na, ɛy Ɛs Kɔtɔkɔ Jesu ec'erm esɛl a e Sinyamel a eke sisigm es a, ni nɔn n'awɲ. Ow e jam a, n'im in obi in obi l'ɔb kokoba Sinyamel ab em.

In e lel na em ec'ów eke li dad a lele Pier e lel yony em a, e nuɲ yony em ec'odad a, ɔl eke k'otarir es.

Jud e lel na e low ek'am ɛlu ɔkm a el low yegm esɛl ayadɲu a, ek'am ec Sinyamel ab em yegm ɛl ów yadɲ ɲuɲɲ ɛl a. Agɲ amua ec'es an ɲuɲ a sosiem, Jud am awɲ Sinyamel a lel na dad ɛl eke -li k'inym es kikri ke -l'ogɲ mum ɔmn eci.

Ɛsɲɲ

¹Ɛm Jud, m'el Jak lisijim lele Jesu Krist e juma kok ɛs ab; m'am ɛsɲɲ agɲ a fɛɲ eke Nyam ɛsɲ, ke el agɲ eke Ɛs Nyam erur, ke n'am ɔsu Jesu Krist ec'a. ²Ke Nyam e ɔɲɲ ikɲ, erm es ɛy lel erur ab ɛny bobn ɔny.

Low ɛwar low yegm esɛl ayadɲu e lís

2 Pier 2.1-17

³Erur em ec'agɲ lisijimɛl, m'ɔny erur nɔnɔ eke mi k'awɲ ɔny lel sel ɛɲɲ a ek'el ɛy fɛɲ ec'a sosiem. Gbɛkɔ sica, m'ɛkn eke ow it eke mi k'awɲ ɔny lel na, yec'ɛɲɲ ke m'átr ɔny sos es. Dògɲɲin sos ɔmn na eke Nyam ɔɲ ɔny kpekɲ kpekɲ a sosiem, ɔny eke eel in ec'agɲ a. ⁴M'am awɲ ɔny lel aɲke agɲ ɛɲɲɲ, es lɔl em, ow anɲ ɔny arajɲ. -Li b'ɔny Nyam ec'erm mamn ec'odad a -li titɲɲ, yec'ɛɲɲ ke -l'ɔtu -li kok yec'eke -l'erurir a, ɛɲɲ Jesu Krist ek'in ɔny coco el ɛy ec'Es Ɛw lel ɛy Ɛs Kɔtɔkɔ ab a, -li b'igɲ -l'ɔwl ow. God'ɛɲɲ Nyam Lel ikɲ anym dad ɛl eci gbɛre ek'am eku ɛl a e low Ɛw es.

⁵M'uw any eke uwr low na eke m'am m'ow mi dad ɔny ab any. Gbɛkɔ m'erur eke mi k'ɔkn ɔny ów amua: Ɛs Kɔtɔkɔ eb in ec'agɲ a ɛlu es Ejipt ɛɲɲ ec'abu em, ɛɲɲ ow e jam a, l'ibi ɛl a fɛɲ ek'ɛgɲɲ ubm nawɛ a. ⁶Ɛɲɲ ɛben cɛ **afɛr** erm esɛl a ek'erurm anm ɛl ec'usu a eke -n'inymn es a, ke

-n'ŋgbroŋŋ yogŋ a, Nyam ɔny ok el ŋgbraka etŋ -n'annŋ ncebn ibr ab em godo godo feŋ eci, jej ok e læŋŋ ligbɛl a eci. ⁷Sica ɔkan Sodɔm, Gomɔr lel el ec'eb saw saw ab ab e low a: el ec'eb eyŋ a ɔny es an ŋuŋ ek'akplm ese afr erm esel a ec'ab af. Etŋ -l'ɔl eŋŋ kaka feŋ ab ec'erum ab, toŋ agŋ eke elim sos meŋŋ nyam ese el ec'ab af a yeji. [†] Ow ɔŋ -n'am ij gbɛ al ek'ɔnym es irm ab em, etŋ -l'el agŋ feŋ ec'ewar eci sewl.

⁸Etŋ ɔny ec'araŋŋ a, agŋ eŋuŋ amua am ɔny es an nenyembri nyam a ese agŋ amua feŋ ec'ab af. -Li bi tutr ów yadŋ etŋ ow b'ɔŋ el -l'us el eci sos af ec'ów aw eŋuŋ a jam. -Li b'ifn Nyam ec'es ew a etŋ -li bi wewr afr ec'abŋ any esel a. [†] ⁹Etŋ Mikael in obi yeji eke el afr erm esel ec'es ew a kokm low na. Læŋŋ a eke **agn** ab -n'am dogŋŋ Moïis eci sos meŋŋ a, [†] Mikael ism neny igŋm'n jejm okm'n, kɔ ow cɛ eke li dad ow a el: «Ke Nyam ijr'ŋ gbɛ!» ¹⁰Gbɛkɔ agŋ amua am wewr yec'a eke -l'uwm any a. Etŋ yec'a eke -l'uwr any nyamb em ese akp em eci mindey ek'ɔnym tutr af a, yeji anake b'irmn el a. ¹¹Gbɛr él el eci! -L'eb ebr a eke Kayɛn eb a, -n'ɔny yadŋ os sosiem ese Balam af, -l'uw, aŋke -l'ɔbr Nyam any ese Kore af. [†] ¹²Ɛɛ, el anake -li bi ŋuŋŋ ɔny ɔfr em ec'ob eke b'asr luku usu nyam ijr a. Yogŋ, -li b'ij etŋ -li b'egŋ lokɛyr em, és ɔnym el etŋ -li bi tutr el ɔny cɛ e low. -N'annŋ ese afr eke ibr es lef am oc im ke ánm mij okm wus ab af. -N'annŋ ese ekŋ eke ɔsum ey iju egb ub e læŋŋ ab af; ekŋ eke -l'il ok wus ke uw nimum nimum. ¹³-Li b'ɔmun el ec'és owi ab es ese elel eke okij b'ɔmun in e sarɔd es ok ákpaf ab af. -N'annŋ ese mílél ek'uwm yogŋ ogŋ eke k'imn ab af, etŋ Nyam ew el usu es sɛŋŋ feŋ eci ncok ibr ab em.

¹⁴Enɔk ek'el ey lagŋ lɔbŋ em Adam eci jam a, ikŋ anym dad agŋ amua e low nine: «Kin, Ɛs Kɔtɔkɔ am ow lel afr erm esel lala nɔkɔ gbɛl ab, ¹⁵wus nimum e jej ok eci. Li b'ow l'ɔb agŋ eŋuŋ a feŋ low, ów eŋuŋ a feŋ eke -li kokr -l'ɔbar ow a sosiem. Li b'ow l'ɔb sikpl esel es efuu amua low, low ɔbr any odad feŋ eke -li dadr ow e lís a nuŋ af.» ¹⁶Sɛŋŋ feŋ agŋ amua b'ucu any es. -Li b'annŋ abr eny em etŋ -li b'ir eb ese elel ek'el ec'ów aw eŋuŋ a b'ɔŋŋ el ab af. -Li bi dad low any ɔbr odad etŋ -li bi pop agŋ ob eŋŋ ij eci.

Ɛwar lel ów ɔm ab

¹⁷⁻¹⁸Gbɛkɔ ɔny, erur em ec'agŋ lisijimɛl, ɔkan ey Ɛs Kɔtɔkɔ Jesu Krist ec'erum esel a e sodad eke dad ɔny læŋŋ ek'ec ab em a: «Sɛŋŋ es abal el em a, agŋ b'ow kokr ɔny miyer etŋ el ec'ów aw eŋuŋ a b'ow ɔŋ el -l'ir eb eke

[†] 7 Nuŋ Ɔb 19.1-25. *agŋ eke elim sos meŋŋ nyam ese el ec'ab af*: aŋa ow ɔtu eke k'el afr erm esel. Sica odad na Grɛk em a, wel ɔtu eke k'itŋŋ ejec'em dad ese: *-l'ɔl eŋŋ igŋ lele lawl igŋ ab ec'erum ab*. [†] 8 *afr ec'abŋ any esel*: Bèbm 2 Pier 2.10 lel ow ec'akr otar ab ab. [†] 9 Aŋa Jud am dad Moïis e lís e low nyam ek'annŋ Jwifel e lel sig nyam em, ke anm Nyam Lel em. [†] 11 *Kayɛn*: èkn Nuŋ Ɔb 4.3-8. *Balam*: èkn Awl 22.1-35. *Kore*: èkn Awl 16.1-35.

bi kpab el es Nyam e lís.»¹⁹ El anake -li bi bubr Nyamel ec'agŋ ab em a. El e sow tutr a el agŋ e sow tutr ce, etŋ -n'onym Nyam ec'Abŋ a.²⁰ Gbeko ony, erur em ec'agŋ lisijimel, ùsr ony ec'eb ir a ony ec'omn ek'onyn Nyam em ab af, ŋŋan Nyam Abŋ Lala ec'abu elum em.²¹ Àŋŋŋ Nyam ec'erur ab em, ke ám ekur ey Es Kɔ́tɔ́kɔ́ Jesu Krist eci sɔ́ŋŋ ikŋ a eke b'ow ŋ ony sel ek'onym uwr a.

²² Agŋ a ek'el ec'omn a ewm leg leg a, onyn el eci sɔ́ŋŋ ikŋ.²³ Ònyn okr el ɔ́km al ab em ke éb elul el es.[†] Ònyn agŋ beb a yeji eci sɔ́ŋŋ ikŋ. Gbeko èwr sos erm, kì yebr -li k'ibar ony el ec'ów eŋŋ kok ab ab.

Anygbel él Nyam eci

²⁴⁻²⁵ Anygbel él Nyam nyam coco a eke b'ecr ey Es Kɔ́tɔ́kɔ́ Jesu Krist em sɔ́g ey a eci! L'ɔ́tu eke li k'edŋŋ ony abu any ke k'éymn low ŋŋŋ em; l'ɔ́tu eke li k'ok ony ɔ́km in ec'anygbel a ec'any af, eke low ɔ́br kaka k'ánm ony em, ke sos em iŋŋ íy ony em gbɔ́ŋ. In ec'él anygbel, sagb, abusu lel es ew ab god'etŋ, sicaca lel seŋŋ feŋ ab! Amen.

† 23 Èkn Amos 4.11; Zakari 3.2.